



Gabinete Wever - Croes II

ISLA ((•)) NLINE

Dialuna 11 April 2022

Email: IslaOnline@gobierno.aw Tel: 528-4952

NOTICIA DI GOBIERNO

20
22

AÑA DI
INVERSION Y
OPORTUNIDAD





**PROME MINISTER EVELYN WEVER - CROES:
E TRAJECTORIA DI LUCHA Y SACRIFICIO Y E BON TRABOU CU PROME MINISTER A EHERCE SEMPER,
TA LAGA SIN BASE E MOCION DI DESCONFIANCIA CU PARTIDO AVP A PRESENTA SU CONTRA
UN MOCION BASA RIBA PURO MENTIRA DI Oponentenan**



ORANJESTAD - Despues di a analisa e mocion di desconfianza cu Prome Minister Evelyn Wever - Croes a haya den Parlamento, e conclusion cu a saca afo ta cu e mocion tabata basa riba puro mentira di oponentenan. Premier Wever - Croes despues di a elabora riba cada punto presenta den e mocion di desconfianza contra su persona, a expresa cu ora cu el a drenta politica, el a laga un carera prometedor atras. Un carera cu hopi miho condicionnan di trabou, miho pago, un bida priva, un bida di famia y su famia tabatin bida.

Na aña 2009 Prome Minister Evelyn Wever Croes a cambia su carera di consehero fiscal y abogacia, pa politica. Den eleccion 2009 Prome Minister a saca su mes, y a drenta Parlamento. Na aña 2011, momento cu sr. Nelson Oduber a tuma su retiro di politica, Prome Minister a wordo elegi como Lider di MEP. Prome Minister ta lidera e prestigioso partido MEP desde 2011 guiando un ekipo di candidatonan determina pa trece un cambio y haci un diferencia

positivo den bida di tur ciudadano di Aruba.

Prome Minister, un lider di nos pais, un hende muhe balante y luchado pa su pueblo, dia 17 di november 2017, a huramenta como e prome Prome Minister femenino di Aruba y a ocupa e funcion ey te cu awe. El'a enfrenta hopi reto y sin duda esun mas grandi tabata e crisis di Covid. Prome Minister a demostra liderazgo firme combina cu empatia, husto e liderazgo cu Aruba tawata y tin mester despues cu e ex prome minister, señor Eman a laga nos pais den kiebrot financiero, economico y socialmente.

Eleccion di 25 di juni 2021 a duna e resultado desea: victoria pa Partido MEP. No solamente el'a haci di MEP e partido mas grandi bek, sino Prome Minister bira e votegetter di pais Aruba cu 7.518 voto. Un gobierno di coalicion cu Partido RAIZ a wordo forma. Y un biaha mas, Prome Minister Evelyn Wever-Croes, cu mesun determinacion y amor pa nos pais, ta sigui lucha na bienestar di nos pais na unda su meta principal como lider di Gabinete

Wever-Croes II, ta pa crea inversionnan cu ta brinda oportunidadnan pa cada ciudadano di nos pais.

Un trayectoria cu a existi hopi trabou duro y sacrificio sin embargo, pa e mandatario principal di nos pais, e amor y tempo cu e ta pone den politica ta cu un solo meta, pa pone e ser humano central creando oportunidad pa tur ciudadano di nos pais sinti e prosperidad y bienestar cu nos pais ta brinda nos tur. "E sacrificianan cu e trabou aki a trece cu ne ta inmensamente grandi. Cada colega por comparti e pensamiento cu, e

sacrificio cu ta haci pa e trabou aki ta grandisimo", Prome Minister a expresa.

Prome Minister a enfatisa cu e no ta wanta na un posicion, ni na un stoel y sigur no na poder. Mas bien e ta eherce e funcion pasobra e ta un honor pa sirbi un pueblo y ta comprometi y honra pa sirbi tur su votadonan.

Prome Minister a expresa cu no ta importa cuanto voto un politico haya den un eleccion sino e forma cu cada politico ta dirigi y comporta nan mes cu un curazon humilde pa sirbi pueblo. Nos ta corda un ex Parlamentario cu semper tawata grita cuanto voto el a haya y den e eleccion siguiente, el a cay barbaremente den voto y awe e no ta forma parti di Parlamento mas. "P'esey ta hopi importante

pa bo keda humilde den e funcion di representante di pueblo. Ami ta aki pa e compromiso na mi 7518 votadonan, na e 20701 votadonan di partido y na e 111000 ciudadanonan di pais Aruba", Prome Minister a duna di conoce. E trayectoria, Minister di nos pais, su maneho den crisis tras di crisis, especialmente su maneho responsabel durante e crisis di e Pandemia y negociacionnan cu Hulanda, y e transparencia cu el a brinda desde el a bira Prome Minister, trahando y publicando relato anual di su trabounan lucha y sacrificio y e bon trabou cu Prome Minister a eherce desde cu el a asumi e cargo como Prome bou su ministerio, ta laga sin base e mocion di desconfianza cu Partido AVP a presenta su contra den Parlamento.

SINTONISA
CONFERENCIA DI PRENSA
DI GOBIERNO DI ARUBA

f LIVE
Gabinete Wever-Croes

Tur dialuna y diahuebs | 10:00 am

PROME MINISTER EVELYN WEVER - CROES: DOW TA AUMENTA ACCESIBILIDAD DI COMUNIDAD NA E DEPARTAMENTO CU INTRODUCCION DI FORMULARIO DI KEHO

ORANJESTAD - Durante Conferencia di Prensa di Gobierno di Aruba Director di DOW sr. Marlon Croes conhuntamente cu su team a presenta y lansa un proyecto nobo y hopi valioso pa comunidad di Aruba. E servicio nobo aki ta facilita e proceso di entrega di peticion/keho riba diferente tema cu e departamento ta encarga cu ne, a traves di un formulario online. DOW ta un di e departamentonan di Gobierno cu ta ricibi hopi keho via yamada, Whatsapp, email, medionan social y tambe personanan cu ta presenta na oficina di DOW pa duna un punto di remarke. Sinembargo, e



departamento no tabatin un sistema optimal di registracion di tur e peticionnan of kehonan cu ta ricibi. Pesey, un grupo di

trahado di DOW a bin cu e idea pa introduci un forma cu ciudadanonan por haci esaki na un manera facil y eficiente.

E formulario di keho digital aki ta accesibel a traves di e website di DOW www.dow.aw den e seccion di formilario (formulieren). Cu

e sistema aki, DOW por tin mihor bista di tur e kehonan cu a keda registra y por keda monitor e progreso di esaki. Por indica entre otro keho/peticion tocante caminda di santo, luz di caya, molester di awa, holor stinki y mas. Tin espacio pa describi mas detaye y espacio pa agrega potret di e situacion. Pa mas informacion di e proceso con pa yega na e formulario, por subi riba e pagina di Facebook di DOW of website www.dow.aw. Ta gradici e team cu a realisa e proyecto cu ta encera un servicio cu ta aumenta accesibilidad di comunidad na DOW.

PROME MINISTER EVELYN WEVER-CROES: COVID TEY AINDA Y VACUNA TA KEDA E MANERA MAS EFECTIVO PA CUIDA NOS MES

Dialuna mainta durante conferencia di prensa di Gobierno di Aruba, Prome Minister Evelyn Wever-Croes a duna un update di Covid 19 na Aruba uzando e ultimo cifranan di diabierna 8 di april 2022. E siman a cera cu 84 caso activo, un mehoracion liviano di e siman prome na unda tawata tin 87 caso activo. Esaki, Prome Minister a bisa, ta un muestra cu Aruba ta bayendo den e bon direccion door di mantene nos cifranan abou. Comparando e cifranan, Corsou ta riba 500 actualmente. Aruba na 84 mientras algun siman prome e tawata rond 40. Esaki ta muestra cu e virus tey ainda.

Actualmente, tin dos persona hospitalisa y niun persona den Cuido Intensivo. E positivity rate, cua ta e cantidad di personanan cu ta test positivo, ta aumentando un tiki. E virus tey ainda y ta keda importante pa cada ciudadano sigui cuida. Vacunacion ta

keda e manera mas efectivo pa cuida nos mes.

Pa e edad di 60+, e grado di vacunacion pa e prome dos vacunanan ta na 86% y pa e di tres vacuna e ta na 51% indicando cu e interes den vacuna a cuminsa baha. Esnan riba 18 aña, e grado di vacunacion pa e prome dos vacunanan ta na 79% y pa e di tres vacuna e ta na apenas

33%. Pa loke ta e di cuatro vacuna, e di dos booster, e ta accesibel pa esnan di 60+ y pa esnan riba 18 aña cu problemanan di salud y te ainda ta rond di 1000 persona cu a busca e di dos booster. E sistema di vacunacion ta accesibel y gratis pa tur hende ainda. “Mi ta haci apelacion na un y tur pa nos sigui vacuna”, Prome Minister a expresa.

Por vacuna tur dia den

oranan di trabou den siman na DVG na Playa y tambe na e unidad mobiel. E siman aki e unidad mobiel lo ta haciendo trabounan di mantencion y dia 20 di april e lo ta staciona na Compleho Deportivo Frans Figaroa na Noord pa un siman y despues lo wordo anuncia unda e lo ta staciona.

“Gobierno di Aruba hunto cu Crisis Team ta vigilando

e tur desaroyo di Covid internacionalmente tambe. Te ainda no tin niun indicacion cu na Aruba mester ta preocupa cu un otro variante di Covid of pa aumento di casonan. Pero e 84 caso activo cu tin actualmente na Aruba, ta potencial pa sigui plama y pega otro hende. “Ta keda den nos man pa stop e plamamento”, Prome Minister a termina bisando.



PROME MINISTER EVELYN WEVER-CROES: APELACION NA ESNAN CU TA BAY CAMPA Y ESNAN CU TA BAY CU VAKANTIE SIGUI CUIDA! E TA DEN MAN DI CADA CIUDADANO PA GOZA SANAMENTE

Dialuna mainta durante conferencia di prensa di Gobierno di Aruba, Prome Minister Evelyn Wever-Croes a duna un update di Covid 19 na Aruba uzando e ultimo cifranan di diabierna 8 di april 2022. E siman a cera cu 84 caso activo, un mehoracion liviano di e siman prome na unda tawata tin 87 caso activo. Esaki, Prome Minister a bisa, ta un muestra cu Aruba ta bayendo den e bon direccion door di mantene nos cifranan abou. Comparando e cifranan, Corsou ta riba 500 actualmente. Aruba na 84 mientras algun siman prome e tawata rond 40. Esaki ta muestra cu e virus tey ainda.

Actualmente, tin dos persona hospitalisa y niun persona den Cuido Intensivo. E positivity rate, cua ta e cantidad di personanan cu ta test positivo, ta aumentando un tiki. E virus tey ainda y ta keda importante pa cada ciudadano sigui cuida. Vacunacion ta keda e manera mas efectivo pa cuida nos mes.

Pa e edad di 60+, e grado di vacunacion pa e prome dos vacunan ta na 86% y pa e di tres vacuna e ta na 51% indicando cu e interes den vacuna a cuminsa baha. Esnan riba 18 aña, e grado di vacunacion pa e prome dos vacunan

ta na 79% y pa e di tres vacuna e ta na apenas 33%. Pa loke ta e di cuatro vacuna, e di dos booster, e ta accesibel pa esnan di 60+ y pa esnan riba 18 aña cu problemanan di salud y te ainda ta rond di 1000 persona cu a busca e di dos booster. E sistema di vacunacion ta accesibel y gratis pa tur hende ainda. “Mi ta haci apelacion na un y tur pa nos sigui vacuna”, Prome Minister a expresa.

Por vacuna tur dia den oranan di trabou den siman na DVG na Playa y tambe na e unidad mobiel. E siman aki e unidad mobiel lo ta haciendo trabounan di mantencion y dia 20 di april e lo ta staciona na Compleho Deportivo Frans Figaroa na Noord pa un siman y despues lo wordo anuncia unda e lo ta staciona.

“Gobierno di Aruba hunto cu CrisisTeam ta vigilando e tur desaroyo di Covid internacionalmente tambe. Te ainda no tin niun indicacion cu na Aruba mester ta preocupa cu un otro variante di Covid of pa aumento di casonan. Pero e 84 caso activo cu tin actualmente na Aruba, ta potencial pa sigui plama y pega otro hende. “Ta keda den nos man pa stop e plamamento”, Prome Minister a termina bisando.





MINISTER URSELL ARENDS DI BISHITA NA CAS DI CUIDO S.A.B.A NA SAN NICOLAS

En conexion cu celebracion di 50 aña di existencia di Cas di Cuido S.A.B.A, Minister Ursell Arends hunto cu su famia a haci bishita diadomingo 3 di April 2022, na e facilidad na San Nicolas.

Aki Minister Arends a wordo ricibi door di e Locatie Manager, sra. Mariesol Alves, hunto cu sra. Anouscka Cornett, zorg manager, y sra. Rahaida Wever, social worker, a duna Minister y famia un recorrido den e facilidad di S.A.B.A.

E prioridad di S.A.B.A ta pa duna un cuida optimal y sigui stimula un calidad di bida halto pa su clientenan. Tur dia tin diferente actividad pa esnan den e centro manera planta mata, hunga domino, handenarbeid y mucho mas pa asina tene e mente y curpanan activo.

Minister Arends mes a experencia esaki durante su bishita door di a yuda planta mata hunto cu sr.

Buchi Wernet y sr. John Esser. Tambe a hunga domino cu sr. Casimiro, sr. Ale y sra. Josefina kende nan ta clientenan di S.A.B.A. Sigur un rato hopi ameno pa Minister Arends como tambe pa esnan cu ta hospeda na e facilidad. Cu e bishita aki Minister Arends ta haya mas un bista di e expertisio, e humanidad como tambe e cuida husto cu S.A.B.A ta provee na tur su clientenan, como tambe e factornan social cu ta contribui na un miho calidad di bida pa Adultonan Mayor.

Minister Arends a keda hopi contento cu e bishita y a priminti di lo pasa pronto atrobe. Un pabien enorme ta bai un biaha mas pa tur trahador, cliente, como tambe partnernan di S.A.B.A pa e bunita logro aki y cu nan por sigui cu e bon trabou pa asina provee nos pioneronan cu e calidad di bida y cuida cu nan merece.





MINISTER MADURO TA LAMENTA E ACTITUD IRESPONSABEL DI E EX PROME MINISTER: EMAN KIER CULPA TUR HENDE MENOS WAK KICO E MES A HACI CU A CREA POBRESA AWE PA ARUBA



ORANJESTAD - Durante tratamento di Presupuesto 2022 na varios ocasion nos por a tende Parlamentario Eman como lider di oposicion bisa cu e Gobierno actual ta creando pobresa na Aruba. Locual cu sr. Eman no ta bisa, no kier compronde of acepta ta cu su escogencia pa redobla e debe di nos Pais, awe ta locual ta creando e pobresa na Aruba.

E retorica politico anticua di Eman Como ex lider di Pais Aruba, Parlamentario Eman ta recurri atrobe na e retorica politico anticua di tilda e Gobierno actual di ta creando pobresa na Aruba. Di e manera aki ta trata na crea e impresion cu e maneho

di Gabinete Wever-Croes ta e motibo principal di dicho pobresa. Sr. Eman sa masha bon cu awe Aruba ta bibando e resultado di su propio maneho devastador hiba den su propio gobernacion den Gabinete Eman. Eman a percura pa redobla e debe di Aruba, creando un presion grandi riba finansa publico y e cartera di e Pueblo. E retorica di sr. Eman pa culpa otro, no por desvia atencion di e hecho cu e debe tey pa nos tur na Aruba paga awo. E cuenta di sr. Eman a yega pa tur hende paga.

Eman su vision ta crea pobresa Awe atrobe nos por a scucha sr. Eman purba pinta un situacion

di pobresa sin trece solucion, sin presenta un vision pa mehora e situacion na Pais Aruba. Cu otro palabra si sr. Eman tabata na mando awe lo ta continuacion di e maneho devastador cu e la hiba pa Pais Aruba. Durante su gobernacion tabata bon cla cu yena nos Pais cu debe lo tin su consecuencia pa nos tur. Sr. Eman no por bisa awe cu e no tabata sa, pasobra ela wordo poni debidamente na altura di esaki door di instancianan local manera Raad van Advies, Banco Central, Algemene Rekenkamer, Parlamento y instancia internacional manera IMF y Standard and Poor's. Tur a bisa sr. Eman cu su vision y maneho ta devastador pa Aruba y ta bay trece pobresa cu ne. Pero sr. Eman a scoge pa cana e caminda di crea debe pa e generacion di awo y e futuro generacion. Den 8 aña di gobernacion a redobla debe di nos Pais cu desde 1986 a sa di mantene un situacion manehabel financieramente. Tur instancia internacional cu sr. Eman a papia

cu nan a indica cu na momento cubo deficitnan presupuestario bay fo'i man, locual a pasa bou Gabinete Eman cu a core cu deficitnan di 400 miyon florin, esaki lo afecta economia riba termino mediano. Esaki lo reduci e spaarmento nacional, lo traha contraproduktivo pa e sector priva y lo crea pobresa.

Eman a scoge pa manda e cuenta pa otro paga Sr. Eman tabata sa tambe cu deficitnan halto manera ela scoge p'e, lo afecta e crecimiento economico, estabilidad den prijsnan, costo di produccion y inflacion. Sin kita afo cu esaki lo afecta tambe e rating di Pais Aruba cual por hasi yegada na capital mas dificil. E escogencia consciente di sr. Eman pa traha debe pa loco pa manda e cuenta pa otro paga, a pone cu Hulanda a interveni den su maneho na aña 2015. Tabata bisto cu sr. Eman no tabata interesa den bienestar di Aruba y conscientemente tabata hiba nos Pais den un situacion tecnicamente failliet.

Sr. Eman a djies scoge pa haci y deshaci pa despues manda e cuenta pa otro paga.

Eman no por tilda otro di ta crea pobresa Awe sr. Eman tin e pudor di para den Parlamento pa critica e maneho di Gabinete Wever-Croes y ta bay den e dolor cu e pueblo ta sinti, cual ta resultado di su propio maneho.

Tempo a siña nos cu debi na e posicion zwak cu Pais Aruba a wordo laga aden door di sr. Eman su gobernacion di redobla debe, nos Pais no por a sobrevivir un pandemia sin sosten di Hulanda. Si sr. Eman a hiba un maneho financiero prudente kisas Gobierno no mester a busca yudansa di Hulanda y awe Aruba lo tabata miho para. Cu ken cu nos papia, tur hende tin e mesun opinion. Sr. Eman no tin autoridad moral pa tilda otro di ta crea pobresa, ya cu sr. Eman kier culpa tur hende menos wak kico e mes a haci cu a crea pobresa awe pa Aruba.

MINISTER MADURO TA INFORMA: COMISION FINANCIERO DI PARLAMENTO A HAYA INFORMACION RIBA E TRAYECTO DI REFORMA FISCAL

ORANJESTAD - Diabierna atardi Minister Maduro hunto cu e Comision di Reforma Fiscal, a reuni cu e Comision Financiero di Parlamento pa asina brinda informacion pa loke ta e implementacion di un reforma fiscal. Parlamento a wordo informa cu a base di e recomendacionnan di e expertonan riba tereno di impuesto, tanto local como internacional, a keda acorda cu Hulanda cu Aruba lo adopta un sistema di BTW (belasting over de toegevoegde waarde) yama tambe "VAT" (value added tax). Tambe a duna un bista na Parlamento di e motibo di introduccion di un sistema di BTW, otro cambianan fiscal cu ta compaña e introduccion di e impuesto nobo aki y tambe di e plan di comunicacion riba e cambianan proponi.

Motibo pa introduccion di un sistema di BTW

Durante transcurso di varios aña Gobierno di Aruba a haya na varios ocasion conseho di organisacionnan internacional pa haci cambio den nos sistema di impuesto caminda cu lo mester bay mas den direccion di impuestonan indirecto. Pa e motibo aki na aña 2007 a introduci e sistema di BBO cu pa e tempo ey tabata e impuesto indirecto mas simpel cu por a introduci pa nos Pais. Despues di e reforma fiscal grandi aki no a bin mucho cambio riba tereno di impuesto pero si hopi critica riba e aspecto cumulativo di e sistema di BBO. Pa e motibo aki IMF a conseha Gobierno ya fo'i aña 2013 pa introduci un sistema di BTW na Aruba. Mucho no a ser haci cu e consehonan di IMF y un posibel introduccion di ABB, cu ta un otro variante di un sistema di impuesto indirecto, door di

Gabinete Eman tampoco a bira un realidad. Na 2018 Gabinete Wever-Croes a cuminsa traha di un manera structura y planifica riba e reformanan fiscal necesario pa Pais Aruba y den e cuadro aki IMF a bolbe ripiti su conseho pa Aruba haci e cambio di impuestonan directo pa impuestonan indirecto y introduci un BTW. Pa Aruba por a surpasa e sla economico y financiero cu COVID a trece cu ne mester a acudi na Hulanda pa sosten di likides. E suma grandi di fianza a pone cu Hulanda a exigi den e Landspakket pa Aruba introduci un sistema di BTW of ABB mas pronto cu ta posibel pa asina por traha e fundeshi necesario pa sali mas fuerte y resiliente for di e situacion financiero cu ya caba prome cu COVID tabata precario. E realidad financiero y e hecho cu den e Landspakket



ta exigi, entre otro, un introduccion di BTW como condicion pa sigui haya yudansa

di pensioen. Fuera di esaki ta propone pa sea aumenta e suma y amplia esaki na favor di grupo di trahadornan cu por ricibi reparatietoeslag of pa hisa e suma di salario minimo pa por compensa esnan mas den necesidad. Y por ultimo ta propone tambe pa hisa e sumanan di onderstand y bijstand.

financiero di Hulanda, ta pone cu awe Aruba ta para atrobe dilanti un reforma fiscal grandi y importante.

Compensacion fiscal pa mitiga impacto

Tur reforma fiscal tin su impacto riba e economia y comunidad di un pais, pesey na momento cu ta introduci cualkier sistema di impuesto indirecto manera un BTW esaki ta bay man den man cu cambianan fiscal pa mitiga e impacto pa medio di compensacionnan fiscal pa esnan mas vulnerabel den nos comunidad. Asina nos por wak cu ta propone pa hisa e suma liber di impuesto riba tereno di inkomstenbelasting di Afl. 28.861 pa Afl. 36.000 pa brinda alivio na 67% di e forza laboral di Aruba cu lo no mester paga inkomstenbelasting mas. Cu e cambio aki un grupo grandi di pensionado tambe ta wordo acomoda y alivia di mester paga impuesto riba nan entrada

Plan di comunicacion
Departamento di Impuesto (DIMP) a prepara un plan di comunicacion pa asina splica e detayenan di e reforma fiscal. Como parti di e comunicacion recientemente a tene varios reunionnan di informacion cu e gruponan di interes (stakeholders) pa asina por haya nan pensamiento y eventual proposicion pa cierto cambianan. Lo introduci un website special dedica na e reforma fiscal pa asina tur informacion por ta accesibel na tur gremio y henter comunidad di Aruba. E proposicion di ley a wordo prepara y ta wordo revisa na e momentonan aki pa IMF. Ta premira cu e ley lo por keda presenta den luna di september na Parlamento..



MINISTER MADURO TA APRECIA CU PARLAMENTO A DEDICA DEBIDO ATENCION NA CULTURA DURANTE TRATAMENTO DI PRESUPUESTO 2022 UN APELACION PA COMUNIDAD PA SOSTENE Y BIBA NOS CULTURA

ORANJESTAD - Durante tratamento di Presupuesto 2022, Cultura tambe a haya su debido atencion di Parlamento. Diferente Parlamentario a haci pregunta y Minister Maduro a brinda contesta. Tabata tin pregunta riba e trabounan cu ta wordo haci pa por lanta un industria creativo na Aruba, e cambionan cu por spera na Departamento di Cultura, aporte fo'i Fondo di TPEF pa cultura, e resultado di e Vierlandenoverleg entre Ministernan di Cultura di Reino Hulandes teni recientemente na Hulanda, educacion cultural na scol, weganan di antes den bario, competencia di Dande na scolnan, atencion pa nos cultura cerca esnan cu no tin

hopi tempo biba na Aruba y renobacion di Cas di Cultura. Riba cada pregunta Minister Maduro a brinda splicacion amplio y ta aprecia cu Parlamentarionan a dedica tempo pa formula hopi pregunta cu ta resalta e importancia di e trabounan riba e tereno di Cultura pa nos Pais. Na final di su disertacion, e Minister Maduro a haci un apelacion na Pueblo y specialmente na e Parlamentarionan pa biba nos cultura door di bishita y sostene e actividadnan cultural na nos Pais. Nos artistanan merece tur sosten cu por wordo duna, door di bishita nan show of cumpra nan obra di arte. Cultura ta importante, pesey nos tur hunto ban dedica mas na conserva, apoya y biba nos cultura.



WECONNECT TA BOGA PA FORTIFICA COOPERACION CU ARUBAHUIS

Den Haag – Directiva di Fundacion WeConnect a haci recientemente un bishita na Minister Plenipotenciario Guillfred Besaril. Tanja Fraai y Mike Ho Sam a duna un relato di nan bishita di trabao exitoso na Aruba, na comienso di e aña aki. Durante di e bishita aki nan a reuni cu minister di Enseñansa y Deporte Endy Croes y a bishita Colegio Arubano San Nicolas. Centenares di scolnan secundario ta haya un tayer pa scogemento di estudio. Tur esaki ta keda ofreci gratis pa e fundacion WeConnect.

Minister Plenipotenciario



Guillfred Besaril tabata tin palabra di aprecio pa e actividadnan di WeConnect y a haci un suggestion. 'Lo ta bon pa intensiva nos cooperacion, por

ehempel pa comparti e programa anual di WeConect cu e Minister Plenipotenciario di Curaçao y St. Maarten.' Tambe a papia riba e guia di studiantenan

di Aruba cu ta bin Hulanda pa un studio riba nivel di MBO.

WeConnect ta concentra riba "empowerment"

y pa traha riba independensia di e estudiante Caribense. Via di tayernan e estudiante ta haya herment pa haya nan caminda den e sociedad Hulandes.

Asinaki lo tin pronto en cooperacion cu Haagse Hogeschool un tayer riba e topico con pa bai om cu placa. Na final di e bishita placentero WeConnect a haci entrega di nan relato anual na Minister Plenipotenciario Guillfred Besaril.

Nota pa redacion: E potret ta cortesía di Arubahuis



MINISTER ROCCO TJON: STICHTING CASA CUNA PROGRESO A CELEBRA NAN DI 65 ANIVERSARIO

ORANJESTAD - Diasabra anochi, durante un evento ameno, na Renaissance Convention Center, Stichting Casa Cuna Progreso a celebra su di 65 aniversario. Un fundacion cu un rol hopi importante pa pais Aruba. Un fundacion cu ta brinda un hogar pa nos muchanan cu tin un criansa dificil, pero tambe brindanan un segundo oportunidad den bida. Cada mucha merece di experencia cu e ta parti di un famia, comunidad y un hogar, pues danki na e famia di Casa Cuna, tur esaki ta posibel pa 65 aña caba.

Minister di Husticia y Asuntonan Social Sr. Rocco Tjon, tawata presente na e evento di diasabra, caminda a hiba palabra gradiciendo henter e ekipo di Casa Cuna pa nan aporte y trabou cu nan ta haci pa cu nos muchanan. Algun luna atras, a haci un bishita caminda a haya un bista di e facilidad pero tambe a combersa cu e trahadonan. Por a deduci akinan cu e ekipo ta traha cu hopi pasion pa nos muchanan, nan ta brindanan siguridad,

amor, atencion y e estructura cu nan ta merece.

Banda di esaki, alrededor di tres aña pasa, a habri porta pa mamanan hoben, cu esaki a habri caminda pa e mama hoben por desaroya su mes como un mama responsabel pa e cuido, pero tambe e futuro di dje y su yiu. E punto di salida di e oportunidad aki pa e mama hoben ta, 365 posibilidadnan nobo den bida, y sey ta e motivacion pa un mama hoben acudi na tienermoederhuis bou di capa di Stichting Casa Cuna Progreso.

Por ultimo, e mandatario a expresa cu un edificio bunita y fondo no ta e unico factornan cu ta haci cu un fundacion manera Casa Cuna Progreso ta existi pa 65 aña caba, ta e famia cu tin e tarea pa cuida y e educa nos muchanan aña aden y aña afo ta loke ta haci e fundacion aki uno exitoso. Un pabien grandi na tur esnan cu a haci e 65 añanan aki di Casa Cuna uno existoso, y danki pa a marca e futuro positivamente pa tur e muchanan cu a crece akinan.





MINISTER ENDY CROES A RICIBI BISHITA DI FUNDACION INSTITUTO DI DESAROYO DI ARTE Y CULTURA (FIDAC).

ORANJESTAD: Den un encuentro ameno e mandatario di enseñansa a reuni cu Edselyn Figaroa y Liza Helder di Fundacion Instituto di Desarojo di Arte y Cultura (FIDAC). E fundacion ta focus riba mucha y hobennan di Aruba. Pa yudanan crece den nan talento y creatividad pero semper cu nos cultura y tradicionnan central. Durante e reunion a presenta Minister Endy Croes di un proyecto nobo pa mucha titula 'Mi mes un heroe'. E ta proyecto di prevencion di abuso di mucha entre 0 – 12 aña y ta consisti di entre



otro un buki, programa na television, cantica, pintamento y diferente actividad. Meta di e proyecto ta pe muchanan

conoce nan derecho, reconoce e 'red flags' nan di abuso y pa no tin miedo di papia. Tambe ta importante pe docentenan,

mayornan y comunidad conoce e storia di buki p' asina nan por compronde e muchanan miho. Finalisando e mandatario

ta felicita Edselyn Figaroa cu e bunita proyecto aki. Minister Endy Croes y Gobierno di Aruba ta sostiene e proyecto aki.

MINISTER DI DEPORTE A REUNI CU GIANTS AQUATICS ARUBA EN CONEXION CU E DEPORTE DI LANDAMENTO A RICIBI UN PRESENTACION AMPLIO DI E ORGANISACION

ORANJESTAD: Diasabra ultimo den un encuentro ameno Minister Endy Croes a reuni cu Presidente di Giants Aquatics Aruba, sra. Zuleika Fernandes Perna-Silva, Vice Presidente sr. Richard Flanegin, Tesorero, sra. Roraima Arends, Secretaria, sra. Kim Kelders y Jordy Groters, miembro fundado.

Directiva di Giants

Aquatics Aruba a duna e Mandatario di Deporte un presentacion amplio di e organizacion splicando nan vision y mision. E ta un organizacion hopi hoben cu un dirigencia fuerte, ambicionnan grandi y cu ta muestra profesionalismo. Giants Aquatics Aruba ta conta cu mas di cincuenta miembro activo. Minister Endy Croes a expresa cu e tabata un bon reunion unda a comparti ideanan pa aña 2022 y 2023. E



mandatario di Deporte su curason ta cerca di deporte, por brinda

sosten y ta percura pa haci esaki a traves di e diferente plataformanan.

Finalisando Minister Endy Croes ta deseanan hopi exito cu e proyectonan.



NO KEDA WARD PA OPORTUNIDADNAN YEGA NA BO.

LANTA Y CREA E CAMINDA DI OPORTUNIDAD BO DILANTI Y

LAGA ATRAS EFECTONAN POSITIVO PA OTRO SIGUI BO TRAS.

Feliz Siman!